

秘藏閣後

圖考下

		五	漢
		一	書
		四	門
		九	
四	二	九	類
冊	架	函	號

庫文閣内	
元	五
二	一
函	漢

内閣文庫	
番號	漢 5145
冊數	4 ( 2 )
函號	292 138



綴じ部(喉部分)の文字等が開きが不鮮明な場所あり



西藏圖

西藏圖識

圖考下卷

漢草文庫

拉里之西千餘里曰衛即前天文亦井鬼分野  
 分其地為三曰康曰衛曰藏康為喀木屬即  
 今之昌都衛即危為西藏拉撒詔藏則扎什倫  
 布部落也詔土地平行南北袤長四十里東西  
 延廣四五百里東接川滇西北聯青海北抵河  
 湟西界西海南通達噶斯萬山拱秀百水環流

下卷圖考



為西方極盛之域建佛寺於布達拉山上乃達  
賴喇嘛坐床所飛碧流丹麗色奪目四隅建別  
蚌色拉甘丹桑為四大寺環列相向其間樓殿  
街市井井可觀番語稱為拉撒達賴世主之舊  
有城郭康熙六十年定西將軍策望諾爾布毀  
之改築石堤自朗路山脚起至招拉筆洞止約  
三十里內圍布達拉外遏恒河番民稱為神堤  
每歲正月聚各寺僧眾於大詔內諷經負土石

增砌之喇嘛終年惟此一役俗皆遵奉番教敬  
信喇嘛如達賴喇嘛班禪額爾德尼其最著者  
也他不迷性之胡圖克圖忽必爾罕人人頂禮  
所在皆有而前藏尊奉達賴喇嘛為尤甚俗傳  
唐公主所嫁之蘇隆藏千布為觀音大士分體  
之光化生雖在輪迴不昧前因後轉生數世皆  
號達賴喇嘛其教以靜修為宗以慈愛為本質  
淳意遠淵默如神或時一露其前知然雅不以



此見奇也他如一切吞刀吐火之術其徒有為之者輒貶為下乘故人皆敬禮之稱為活佛自太宗文皇帝崇德七年約歲通貢表後順治中第五輩達賴喇嘛入覲

世祖章皇帝

詩勅賜冊印封為統領西天佛教普覺幹濟達賴喇嘛時蒙古佔什汗以兵滅藏巴汗遂有藏地傳其子達彥汗孫達賴汗皆敬附中國後第巴三節

謀亂佔什汗曾孫拉藏誅之遣使入告蒙

聖祖仁皇帝

命嗣為汗而達賴喇嘛又化生於裡塘名曰噶爾藏嘉慕即云忽必爾罕也生二年青海蒙古迎至西寧塔爾寺坐床適準噶爾逆賊策旺阿拉布坦生豐遣其賊將車零敦多布領兵至藏攻殺拉藏汗擄其子蘓爾扎名為興教而實滅之藏民額吏上請



特遣將軍額倫多等統兵援之賊兵北欲遁有賊僧黑喇嘛漫中煽惑賊衆復逞螳臂抗我戎行

聖祖仁皇帝赫然震怒爰

命撫遠大將軍王統帥六師大伸撻伐即將塔爾寺之

噶爾藏嘉慕

恩錫以達賴喇嘛名號給與印冊遣平達將軍延信率

兵護送自西寧出口進征誅黑喇嘛及偽藏王

達格咱等底定西藏送達賴喇嘛座床於布達

拉奉

諭旨封承教度生達賴喇嘛以西藏土地人民

特賜之時康熙五十九年九月十五日也並

勅封拉藏汗舊臣康濟魯阿爾布巴隆布魯頗羅鼐及

達賴喇嘛之倉儲巴札爾魯等五人貝子貝勒

台吉噶隆有差分守藏地雍正元年復奉

旨勅封達賴喇嘛為西天大善自在佛五年阿爾布巴

隆布魯札爾魯謀殺貝勒康濟魯背逆不軌



世宗憲皇帝遣左都御史查郎阿等分路進討兵未抵  
藏時台吉頗羅鼐守後藏糾扎什倫布之衆至  
詔地擒為亂者阿爾布巴等恭候

王師至藏

奏其叛逆誅阿爾布巴隆布鼐札爾鼐藏地復安

遂降

旨勅封頗羅鼐為貝子總管西藏事留重兵守藏地并  
於附近爐城之噶達地方建惠遠廟移達賴喇

嘛居之十一年修扎什城十三年準噶爾木降  
復

命送達賴喇嘛于布達拉坐床乾隆四年

勅封頗羅鼐為郡王領藏事如故後頗羅鼐率其次

子朱爾墨特那木札爾罷封於乾隆十五年謀

逆伏誅奉


旨除西藏王爵凡衛藏事皆

命駐藏大臣與達賴喇嘛相協裁決於是藏地綏定












拉撒譯言佛地也群山朝拱碧水環流阡陌腴  
饒經塗平行其西突起布達拉一山梵書云普  
陀山有三有達拉其一也奇峯聳翠飛閣流丹  
靈秀所鍾遂成勝境而峯巒相向則有招拉華  
洞為之輔山前浮圖島峙山後湖水清漪稍北  
為祿康榭水中建水閣登覽者濟以舟風景絕  
佳由詔而上布達拉有琉璃橋橋下水勢浩瀚  
曰噶爾招木倫江即藏部民夾岸而居其豐樂

之象江水澄澈有綠松石翠色欲滴頂若盃盎  
洶泥掘石則身大於象非比他河所出小石易  
取適玩也山之東五里許有大詔寺金碧璀璨  
與之毘連者曰小詔山之南七里許至札什城  
漢兵居焉其色拉別蚌桑為甘丹諸大寺或近  
効其靈或遠挹其秀而又有宗角卡契園經園  
諸勝錯綜其間為達賴喇嘛往來遊憩地春冬  
桃柳松柏相映自然梵舍花宮不亞中土洵西











程一占  
站

西藏至登龍岡尖

登龍岡至業党宿

西藏路平坦四十里過大橋至登龍岡有房舍  
順河而行途亦平易又四十里至業党有塘舖  
房舍有磔巴供給柴草計程八十里

業党至僵里尖

僵里至曲水宿

業党亦順河行經崖埭三亦不甚險阻四十里



至僵里又五十里從阡陌行河流委折至曲水

有蝎子洞如犯死罪者活縛至洞令食之沃野平原綿亘百里有房

舍柴草有磔巴給後焉計程九十里

曲水至岡把擇尖

岡把擇至白地宿

曲水十五里至鐵索橋江勢浩翰最險渡以木

船過河三十五里至岡把擇有房舍柴草又過

大山危峰巖葉上下四十里過殺馬隴柴草稀

少路經平地五十里至白地有塘鋪柴草計程

一百四十里

白地至撻魯尖

撻魯至噶浪子宿

白地三十五里過葉賽十五里至撻魯有房舍

柴草有岐路一由江孜一由然已然巴春夏為

商販所必經至冬則雪凌多阻滯且翁古一帶

村落廣糧食戊申西征之後已改由噶浪子取



道今因之五十五里至噶浪子路皆平坦有磔  
巴人戶計程一百五里

噶浪子至翁古尖

翁古至熱隆宿

噶浪子路平五十五里至翁古有磔巴人戶過  
山六十五里至熱隆有磔巴人戶路亦平坦  
左手分路通布魯克巴計程一百二十里  
熱隆至谷洗尖

谷洗至江孜宿

熱隆至谷洗七十里谷洗至江孜七十里江孜  
亦要隘也二處均有磔巴人戶柴草所出則江  
孜較多路俱平坦計程一百四十里

江孜至人進岡尖

人進岡至巴浪宿

人進岡距江孜五十五里巴浪距人進岡六十  
里有磔巴人戶柴草行者可尖可宿計程一百



十五里

巴浪至春堆尖

春堆至扎什倫布宿

巴浪迤邐而進過大橋路坦七十里至春堆有

磔巴人戶過此四十里即扎什倫布

一名扎什隆布即後

藏班禪額爾德尼坐床處也計程一百十里

自前藏至後藏九百里

衛藏圖識

圖考下卷

由大詔而南行八日為後藏地曰扎什倫布建

仍仲寧翁結巴寺山川靈竒土宜饒美為班禪

額爾德尼坐床之所寺甚雄麗佛像皆七寶莊

嚴聲徹仙梵香生苾芻著闍鷲嶺不是過也後

藏人敬禮班禪佛與前藏奉達賴喇嘛等相傳

班禪乃金剛化身亦轉生十餘世修淨業精戒



律貫穿經典屏除聲聞凡喇嘛學經成者必於  
班禪所受戒若付以正法眼藏也或達賴圓寂  
後再降生班禪則為之誦解上乘法俾叅大道  
達賴之於班禪亦然蓋互相傳授扶持黃教云  
我

太宗文皇帝之崇德七年班禪謂東土有  
聖人出借達賴遣使越四萬里來朝約行善事  
太宗文皇帝嘉納之

國朝定鼎後頻遣使熬茶康熙五十三年  
勅封為班禪額爾德尼乾隆庚子歲班禪朝

京師

皇上與其慕義

賞資便蕃旋化去降生番部復迎回扎什倫布坐  
床年今十一矣傳者謂其純穆聰敏番人瞻仰  
之生敬慕為由扎什倫布抵聶拉木蓋三千里  
接賊番廓爾喀界亦皆尊信班禪



王師所向殲滅奚難佇見窮荒遐壤長依佛境法輪而在

先天化日之下當必更有奇蹟異行為山經水注所未備鴻荒開闢所未聞者謹濡毫以俟

後藏正自弱壯  
木孤星上固







程  
站

扎什倫布至乃黨尖

乃黨至拉爾宿

計程九十里

拉爾至耜尖

耜至乃安宿

計程一百里

乃安至執龍尖

執龍至扎什岡宿

程占



計程一百十里

扎什岡至半達尖

半達至彭錯嶺宿

計程九十五里

彭錯嶺至乍喜宗尖

乍喜宗至扎塘宿

計程一百里

扎塘至沙巴都尖

沙巴都至納子宿

計程一百里

納子至白佳紀岡尖

白佳紀岡至雜務宿

計程九十五里

雜務至山根尖

山根至甲錯白宿

計程一百十里



甲錯白至油共有尖

油共有至拉古籠古宿

計程一百里

拉古籠古至羅羅尖

羅羅至脇噶爾宿

計程一百五里

由脅噶爾八十里至滅猛九十里至第哩郎古

九十里至彌木耳一百二十里至擦木達九十

里至下馬卡一百二十里至噶以角爾杆八十

里至碩馬拉杜一百二十里至重噶爾九十里

至宗喀山宗喀遠道九十里至嗎爾一百二十

里至滾達八十里至卓黨一百十五里至竹塘

八十里至濟龍由濟龍遠道八十六里至俄龍

一百二十里至索絨七十五里至扎林多八十

五里至絨轄一百十五里至聶拉木

自後巖至聶拉木二千八百五十一里



自成都至聶拉木共計程九千八百一十一里  
按乾隆五十三年軍需檔案後藏至脇噶計  
程一千五里在脅噶以內向已列有尖宿處  
而脅噶以外僅載里數殆以已經者少不易  
問途耳

衛藏圖識

諸路程站附

自打箭爐由霍爾德草草地至察木多路程

打箭爐五十里至折多山根五十里過折多山

至提茹<sub>分</sub>七十里至亞竹卡四十里至郎些岩堡

四十里至八桑砦五十里至上八義<sub>分</sub>六十里

至噶達五十里至汎馬塘三十里至雀雅五十

里過山至喇地塘六十里至孜隆七十里至甲



撒楮卡五十里至吉如楮卡三十里過小山至  
霍耳章谷五十里下山至江濱塘五十里至竹  
窩三十五里過山至勒恭松多二十里過普王  
隆至甘致三十里過河至白利五十里至隆琪  
揆四十里至阿甲拉洛六十里至益隆四十里  
至迭格界即德爾格忒  
又名七登六十里至羅登六十里  
至吉馬塘五十里至林葱六十里至楮泥拉沱  
五十里至春耕西河四十里上山至班的楮卡

三十里下山至巴戎六十里至甲界七十里至  
羌党六十里至草拉三十里至草里工三十里  
過漫山至峽隆塔五十里至哈甲三十里至哈  
甲峽口三十里至冲撒得六十里過山至熱了  
四十里過山至察木多

共計程一千八百八十五里此路番民多住  
黑帳房以牧畜為生微有烟瘴  
自察木多由類烏齊草地進藏路程



察木多四十里至俄洛橋此係分路之處六十里至杓  
多四十里至康平多五十里至類烏齊五十里  
至達塘八十里至架喇族一百里至江清松多  
八十里至三岡松多八十里過小山四座至塞  
耳松多六十里至拉咱五十里至吉樂塘七十  
里至察隆松多即春奔色擦七十里至江党橋五十  
里至拉貢洞六十里至汪族八十里至吉樹邊  
卡五十里至大偏關八十里至噶咱塘七十里

至葛現多七十里至拉里堡從右手進山六十里至

拉里界七十里過山至吉克卡七十里至沙加

勒七十里至吉華即七十里至哈噶錯卡六十

里至胖樹六十里至仲納三巴六十里至納定

同古七十里至墨竹工卡合進藏路

共計程一千八百八十里

自前藏由撻魯分路至後藏路程

撻魯二十里此處分路一由江孜至後藏一由然巴至後藏至然巴五

諸路程站



十里 此處自前藏至後藏為道中之地 至甲馬卡四十五里至

阿彌二十里至仁蚌宗四十里至窟窿朗西五

十里至年木哈達六十里至冲填卡四十五里

至冰蝦嗎四十五里至拉古四十五里至後藏

共計程四百二十里

自後藏由乃黨分路至聶拉木路程

扎什倫布四十里至乃黨三十里至甲日四十

里至擦維五十里至得慶宰三十里至霞噶爾

三十里至察籠遺卡三十里至扎什岡四十里

至色足八十里至薩迦五十里至堡宗五十里

至馬甲四十里至春整五十里至宜喜爾六十

里至長鎖四十里至村阿四十里至吉雄一百

十里至脅噶四十里至按把四十里至定日七

十里至獨龍四十里至押勒三十里至太極嶺

四十里至宗城五十里至聶拉木

共計程一千一百二十里

諸路程站



自後藏由咱党至前藏路程

扎什倫布四十里至落窺一百里至色木多一  
 百二十里至年木胡打九十里至能木宗八十  
 里至沙措卡七十里至咱党七十里至白地九  
 十里至岡把擇五十里至曲水五十里至疆里  
 八十里至登龍岡四十里至拉撒詔

共計程八百八十里

自松潘出黃勝關至藏路程

黃勝關六十里至兩河口路分八十里至出皂七  
 十里至甲望麻望即甲五十里至殺鹿堂即撒  
 六十里至八嗎六十里至江地克里麻即勒八  
 十里至龍溪頭七十里至吾浪莽八十里至宗  
 喀爾七十里至挿漢托灰七十里至殺那吾舊  
 六十里至七氣哈賴七十里過大雪山至安寧  
 達堪七十里至途龍兔老五十里至塔奔托洛  
 海六十里至丹仲營六十里至下牒倫頓八十

諸路程站



里至中牒倫頓八十里過大雪山至上牒倫頓

七十里至吾浪牒倫二百四十里自吾浪牒倫分作四站每

站六至古爾分索羅木即黃河合西寧進藏之大路

共計程一千五百九十里

自藏由羊八井至噶爾藏骨岔路程

前藏五站共程二百里至羊八井分路按前藏由羊八井

草地至扎什倫布其程較四十里至夾布七十

里至桑駝洛海五十里至楮定馬奔四十里至

桑吉馬丁五十里至喇定初多五十里至騰格

那爾界大海子邊五十里至郎錯又名族隆角六十里過

大山山頂有海至過中八十里過二山至童錯

湖四十五里至海子頭六十里至捉得爾五十

里至邦塘五十里至巴業了七十里至凍錯七

十里至噶爾藏骨岔即胡

共計程一千三十五里

自西寧出口至西藏路程

諸路程站



西寧出口一百六十里至阿什漢七十里至哈爾噶兒六十里至夥兒七十里至柴吉口六十里至苦苦庫兒六十里至滾厄爾吉五十里至依麻兒六十里至翔羅口五十里至翔羅達巴六十里至希拉哈布七十里至得倫腦兒五十里至苦苦庫圖兒六十里至阿拉克沙兒六十里至必流兒六十里至河牙庫兒七十里至黃河渡六十里至納木噶六十里至和多都

五十里至氣兒撒托洛流六十里至和牙拉庫兒兒查都七十里至白兒七兒六十里至喇嘛托落海五十里至巴彥哈拉那都六十里至沙石隆五十里至衣克阿立各七十里至鄂蘭厄爾吉六十里至苦苦賽渡六十里至木魯烏素五十里至查漢厄爾吉六十里至忒們苦住七十里至白兒七兒五十里至土乎魯托洛海六十里至東布勒兔口六十里至東布勒兔達巴



那都五十里至東布勒兔達巴查都六十里至  
乎蘭果兒五十里至得爾哈達六十里至順達  
五十里至多洛巴兔兒係川甘交界處現今  
大兵進藏甘省安設臺  
站應付五十五里至布哈賽勒五十五里至哈  
止此拉河洛四十五里至呵木達河四十五里至因  
達木四十五里至吉利布喇克七十五里至依  
克諾木漢烏巴什五十五里至索克東邊七十  
里至巴木漢五十五里至泡河老七十里至沙

克因果爾四十五里至蒙咱四十五里至蒙古  
西里克七十里至綽諾果爾九十里至楚木拉  
五十五里至郭隆五十五里至哈拉烏蘓七十  
里至噶欠七十里至什保諾爾七十里至克屯  
西里克九十里至達木七十里至羊拉七十里  
至夾藏堪四十五里至達隆五十里至沙拉七  
十里至甘定郡科爾九十里至都們五十五里  
至郎拉四十五里至箭藏

諸路程站



番民種類圖

共計程四千一百二十里

丁卷

二十八



卷之八

衛戩圖識

圖考下卷

我  
粵稽肅慎底貢越裳來朝職貢之圖所由繪也

朝重熙累洽媿美唐虞凡僻處要荒無不會歸  
王極第族類區分氣象亦別今列圖而載非徒以  
長髮獨錦逞山海之奇觀寔以徵有苗之格于  
今尤烈也



打箭爐番民圖



下卷 圖考

三

下卷

三



打箭爐番婦圖



打箭爐唐為吐蕃元時置碉門魚通黎雅長河  
西寧遠六安撫司明時長河西土官元右丞刺  
兀蒙始通朝貢自淡戎

聖朝德化益慕華風其土司衣冠悉遵

國制頭人逢歲節及進謁漢官著長領小袖無袂  
蟒段褚巴平時褚巴以綢段璫璫為之帽皆販  
自藏冬戴狐皮捨狽以錦段作胎平頂絲纓綠  
寬窄無定制兩旁有袂夏戴綿帽綠飾蟒段或



片錦亦絲纓間以獺皮覆頂上腰左插短刃足履草鞵康稱所佩有荷包梳袋之類穿左耳戴紅珊瑚或綠松石大綠白爐至河口番民皆著白毡子及毛褐粗氈褚巴間著璫璪短衣冬戴大毛皮帽夏戴絲帽亦穿左耳戴錫錢墜著草鞵或赤足識字者腰繫小錢筒內插竹簽繫小銅盒或漆盒貯墨水寫字時以簽蘸墨水席地用皮紙摺疊成行置膝上自左而右橫書之

蠻婦首飾平分其髮作兩辮以紅哈達互交於頂中列銀鑑飾以珊瑚綠松石密蠟銀錢復以碎礫如髻懸於後身內著無袖短衣外披小方單繫百摺裙足亦著康其當者背大草帶綴珠寶炫麗商賈在爐必後蠻女曰沙鴉交易貨物俱聽沙鴉較價值如牙行而并血箕帚之事亦以身任之不為其所居之宇曰礪樓近亦多平房篇海云礪樓石室也墨石如浮圖人以梯上



下堅足禦鎗礮其蓋蔽之區棲止之舍炊爨之  
所畜溷之地皆因其廣狹而位置焉飲牛乳茶  
青稞酒食則糶粃牛羊肉糶粃者以青稞炒麩  
為之俗信佛病不任醫藥延喇嘛然酥油燈焚  
香蘸水祈禱死則葬以水火飼諸鷹犬而已俗  
有跳歌粧之戲蓋以婦女十餘人首戴白布圍  
帽如箭鴿著五色彩衣携手成圍騰足於空圍  
圍歌舞度曲亦靡靡可聽所謂異方之樂也歲

時伏臘以及宴會多以此為樂 按自壚至蔽  
雖相距迢遞而風氣相近習俗服色蓋大而  
小異耳



裡塘番民圖



圖考

三五

丁卷

三十四



裡塘番婦圖



裡塘附近爐城漸習禮法土司衣冠亦遵

國制頭人著璫璣細毳褚巴餘自中渡以外多著  
青毡子帽以羊皮染黃為緣以麻線染紅為緯  
足著雙梁康婦首多髮常多作小辮盤結于頂  
亦以珍玩飾但性不喜潔猶仍其陋



巴塘番民圖



下卷圖考

三七

下卷圖考

三十六



巴塘番婦圖



巴塘土司頭人衣冠悉與打箭爐同餘番民多  
布衣或青或藍帽鞋襪間有如內地製者不雍  
髮長則剪之婦鞋束亦如打箭爐惟不事首飾  
履尚紅綠色為少異其屬江卡頭人戴寬緣金  
段帽足履草鞋婦首辮髮戴八柱如翠圍式耳  
貫哪嚨大圈繫紅珠於下復以線縛於耳石板  
溝頭人不雍髮著褚巴貌犴惡出携弓矢鎗繫  
結隊行遇旅客則施空鎗以相恐婦結兩辮多



着白褚巴阿足自乍了以外番人戴白氊笠著  
 青褚巴婦僅結一辮下垂餘服飾俱與打箭爐  
 同

西藏番民圖





西藏番婦圖



察木多至拉里其地俱屬衛藏察木多之正副  
胡圖克圖戴黃尖頂氈帽著紫羊絨偏單履草  
鞵自色墩以至寧多頭人番民服飾均與藏同  
惟察木多女未嫁髮順披嫁則以珊瑚作兩花  
如菊令戴額上出嫁不歸寧即歸寧亦止於門  
外飲以茶酒母至女家亦然大槩婦女忌入人  
家以為不祥也廟宇內尤嚴忌之若喇嘛犯姦  
將兩造剥皮植草投水棄野以示儆獨此異於



藏拉里女嫁則以綠松石鑲團花如鏡戴額上  
名王老後戴一冠名策勒挿一簪名押籠鹿馬  
嶺一帶人頗勇健知貿易女未嫁髮順披嫁則  
將髮交叉以紅哈達作圈結頂上餘與藏無異  
至於衛藏自達賴喇嘛班禪額爾德尼以下番  
民男戴高頂紅纓氍帽著長領褐衣項挂念珠  
婦披髮垂後亦有辮髮者或戴紅氍涼帽能織  
米雷錦毛罽足履康男婦服飾與打箭爐相似但

豐儉不同耳其詳著識畧中







阿里噶爾渡番婦圖



阿里噶爾渡部落在藏地之西與後藏札什倫  
布三桑接壤向為頗羅魯長子朱爾嗎特策登  
駐防處其番民帽高尺餘以錦與段為之帽緣  
不甚寬頂綴緯番婦帽以珠下垂前後如旒密  
遮面頂間着圓領大袖衣繫褐裘見官長不除  
帽惟以右手指自額上念唵嘛吽者三



木魯烏素番民圖



木魯烏素番民圖

四十四

下卷

四十三



木魯烏素番婦圖



木魯烏素部落在藏之北稍東與西寧接壤其  
地與達木霍耳番子相參雜居番民衣帽同蒙  
古番婦戴白羊皮帽或狐皮帽辮髮以硃珠  
石並大小銅環紐結戴髮間下垂至足踝行則  
鏘鏘有聲著褚巴繫硃磔帶著卷皮履又另一  
種也





布魯克巴番民圖



布魯克巴番婦圖



布魯克巴部落在藏地之西南本西梵國屬雍  
正十年始歸誠其地天道和暖物產亦與中國  
相似南行月餘接天竺國界番民披髮裹白布  
如巾幘然著長領褐衣肩披白單手持念珠婦  
女盤髮後垂加以素冠著紅衣繫花褐長裙肩  
披青單頂垂珠石纓絡圍繞至背俗皆皈依紅  
教崇佛誦經







一  
卷  
四  
八  
貉猯茹巴番婦圖



貉猯野人國在藏地之南數千里其人名老卡  
止荒野蠢頑不知佛教嘴剖教缺塗以五色性  
喜食葷不耕不織穴處巢居冬衣獸皮夏衣木  
葉獵牲並捕諸毒蟲以食衛藏凡犯罪至死者  
解送赴怒江群老卡止分而啖之



巴勒布番民圖



下卷圖考

五

一

四



巴勒布番婦圖



巴勒布即巴爾布亦名別蚌在藏地西南與聶  
 拉木接壤即尼雅爾木計程幾兩月其地天道和暖  
 產稻穀蔬菓綉段木棉孔雀向有三罕一曰布  
 顏罕一曰葉楞罕一曰庫庫木罕於雍正十年  
 遣使來歲因駐藏大臣奏請內附嗣為其族廓  
 爾喀所并乾隆五十三年廓爾喀之首長喇納  
 巴都爾與西藏以交易滋事勞我  
 王師遠涉萬里逆番始震龍擾誠遣頭人瑪木薩野



入

貢其番民皆雞髮蓄鬣辨聯鬚短鬣似西寧回鶻  
 尚容飾額上塗白土二豎眉間塗紅土一丸用  
 金珠鑲花綴兩耳以布纏頭賤者用白貴者用  
 紅著青白色小袖衫以布束腰着尖頭革鞮佩  
 短刀狀如牛角有鞘臂挽一黑漆皮藤牌徑約  
 三尺番婦披髮赤足鼻孔穿金銀圈然亦梳洗  
 尚潔第番性難馴近復妄逞不靖侵擾藏界伏

見

廟奠軍威藏廷易於摧朽拓我疆土永又邊陲爰謹

陳其概以備職方象胥之採擇焉

白木戎附

由後藏塞爾地方行十餘日交白木戎界再半  
 月餘至宗里口山崖僻立往來者必以木梯度  
 之又數日始至白木戎住牧地所屬種類繁多  
 一名蒙身著布衣不遵佛教一名總幼時即以



五色塗成花面一種名納昂男女俱不著衣服  
下以白布纏之臥時以木為枕一種名仍撒男  
著短衣齊膝婦下亦以布遮重著棍不著上衣  
惟白木戎男婦皆披葳絀偏單行坐必佩刀其  
地和暖出產福菜青稞苴麥蔬菓大牯羴羊大  
耳猪崖羊又產野象獨角獸等物亦呼為小西  
天地連朱巴中以巴隆江為界白木戎東至朱  
巴南至西天烏盆子西至白布北至日蓋子曰

蓋子者即扎什倫布仍仲寧翁結巴寺之後山  
也由白木戎西去十餘日交小西天界再行十  
餘日始至小西天從此登舟涉海約半月即至  
大西天矣

文化之五



